



АҚИҚАТ

ҰЛТТЫҚ ҚОҒАМДЫҚ-СӘЯСИ ЖУРНАЛ

www.akikatkaz.kz.



www.facebook.com/akikatkaz



www.twitter.com/akikatkz

akikat1921@mail.ru



Қамбар ата

№10 • 2014



Серік ЕРГАЛИ,
«Тұран-Астана» университетінің
магистранты

Түркі халықтарының қазақ, қырғыз, қарақалпақтарда сақталған манқала текес ойыны – тоғызқұмалақ. Тоғызқұмалақ зерттеушілерінің пайымы бойынша, ойынның тарихы кемінде 4-5 мыңжылдық уақытты қамтиды. Ағылшындық ғалым Э. Маккей түрлі құмалақ (шарик, тас) ойындарын 5 мың жыл бұрын тайпалық халықтарда ойналадын жазады. Осыған ұқсас африкалық овари ойынының шығу кезеңін зерттеушілер 6 мың жылға апаратып жүр. Осынша уақыт ішінде бұл ойын қалыптасып қана қоймай, сол өзін тұғызған орта тарапынан түрлі аспект бойынша байытқаны да қисынды. Осынша, ежелгі тарихы мен болмысы бар тоғызқұмалақ да үнілу арқылы оның бойындағы тарихи үдерісте сінірген мәдени-танымдық сипаттардың қатпарларына қанығуға болады.

Зияткер ойындарды зерттеуші ресейлік И. Зелинская мысырлық калах ойындан тараған деген пайыммен [4], тоғызқұмалақтың түркі халықтарының төлтума мәдени өнім екеніне күмән келтіреді. Эрине, сыртқы ойындық түркіна қарап оның шығу тегін тектеу соншалықты қисынды бола бермейді, оның үстіне тоғызқұмалақ ойны калах ойынмен сырттай ұқастығы болғанымен, оның сыртқы тұрпаты мен ішкі болмысын мазмұндық сипатын білдіретін барлық құраматалар (компоненттер) тоғызқұмалақтың дербес ойын ретінде қалыптасып, курделене дамығанын

ТОҒЫЗҚҰМАЛАҚ – ТҮРКІЛЕРДІҢ ЛОГИКА ДАМЫТУ ОЙЫНЫ

немесе неге біреулер төлтума ойын екеніне
күмән келтіреді?

көрсетіп отыр. Қазақстанның зерттеуші М. Шотаев [13,508] «Тоғызқұмалақ – ең алдымен халықтың дүниетанымы, одан кейін ой шыгармашилығы, спорт, ғылым. Ресейлік және американдық зерттеушілер тоғызқұмалақты этнографиялық ерекшелік ретінде қарастыrsa, европалықтар ұлттық мұраны ой шыгармашилығының бір түрі ретінде, ешбір халықта бұрманамай, әділ бағасын беріп отырған» деп пайымдайды.

Ойынның қай маңын, қай ұлттың танымы мен болмысын анғартатынын оның ғасырлар бойы түзілген мәдени-танымдық сипаты назар аудартады. Эрине, мұндай зияткерлік ойын бір күнде немесе белгілі бір уақыт кезеңінде пайда бола калуы мүмкін емес. Тіпті, оның бастапқы туындау сәті басқа ойынмен туыстас болғанымен, белгілі бір дәүірде қалыптасқан өзге этномәдени мазмұндар мен сипаттардың ойынға мүлдем басқа танымдық-философиялық қатпар енгізу шынайы да, қисынды әрі тарихи жайт. Тоғызқұмалақ та өзінің түзілу тарихында түрлі сипаттар мен тұрпаттарды сіცіре отырып, бүгінгі толық та аяқталған нұсқасын қалыптағандығы сөзсіз. Біздін мақсатымыз да – тоғызқұмалақтың мүмкіндігі мен болмысын қарастыра отырып, оның бойындағы мәдени-танымдық қырына үнілу және ойынның түпкі сипаты мен дүниетанымдық мазмұнын зерделеу.

Тоғызқұмалақты түркі халықтарының ойлау мәдениетімен қатар, олардың дүниетанымдық төлтума болмысы мен философиялық көзқарасын да танытатын тарихи дәйек екенін мойындауға болады. Ойынның мұндай танымдық кабілеті оның



атаулары мен ережесінде, құрылымында, ішкі логикалық сипаты мен мазмұнында сақталған. Тоғызқұмалақ ойының атаяу белгілі бір дәрежеде оның болмысы мен сипаттына жол ашады. Оны түркі халықтары түрліше атағандармен, ойынның негізгі сипаты мен тұмысы сакталған, өзгергені сыртқы көрініске қатысты жағы ғана. Мәселен, қазактар бертінірек «тоғызқұмалақ» деп, ал, қырғыздар «тоғызкоргоол» («коргоол» – маңғолша «құмалақ») атағандармен, бұның екеуі де «құмалақ, домалақ» деген ойын құралының сыртқы сипатын ғана білдіріп тұр. Ал, Ақтөзі жағалаудаңдағы көшпелі түркі тайпалары «тогузташ» атағаны да мәлім [11,521]. Бұл ойынның ішкі мазмұнын бұзбайтын, бар болғаны ойынның ережелік мәніне емес, сыртқы түрпарттық қасиетке тән атап екені көрініп тұр.

Орыс географы әрі этнографы А.Н. Краснов [5,15] Жетісу казактарының тұрмыс-тіршілігін зерттей келе, тоғызқұмалақ ойыннан да назар аударып, оны көшпендейлердің ойны деп есептейді. Ол тоғызқұмалақ туралы ойын: «*Тоғызқұмалақ очень остроумная игра, заставляющая киргиз ломать голову не менее, чем у нас в шахматы. В переводе на русский тогузкумалак значит девять катышков бараного помята – название*

прямо показывающее, что это изобретение принадлежит исключительно кочевникам» деп түйеді. Алайда, ойынның атаяуна қатысты жіті назар аудартатын жайт – XIX ғасырда қазак-қыргыздар тұрмысынан жазба қалдырган ресейлік этнограф Г.С. Загряжскийдің [3,531] тоғызқұмалақты «Тоғызат» атаяумен сипаттап қалдыруында. Біздің ойымызша, ойынның осы атаяу оның түпкі болмысына барынша жуық әрі шынайы. Одан кейінірек тоғызқұмалақ ойынның жазып қалдырган Н.Н. Пантусовтың 1906 жылы жарияланған сипаттамасында [7] ойын өзінің болмысынан ажырап «аттын» орнына «құмалақ» анықтауышының қосылғаны байқаюлып отыр.

Тоғызқұмалақ ойынның құрылымына зер сала отырып, оның салт аттылар өмірінен ажырағысыз мәдениеттен хабар беретініне қуә боламыз. Атаулар мен ұғымдар негізінен жылқыға, аңшылыққа және көшпелі бағдарға қатысты. Аталмыш ойындағы отау атаулары казак, қырғыз, қарақалпақ халықтарында сәл өзгерістері болғандармен, әуелі тұтас мазмұнға барынша жуық әрі бірін-бірі толықтырады. Оны төмендегі кестеде берілген отау атауларынан [8,17-21], [6,12] байқауға болады.

Мұндағы «мандай» – «арт» немесе «қу мойын» – «қүйрық» түркі танымына қатысты полярлық қарама-қарсы бағдар екені белгілі, бұлар қозғалыс нысанының қайдан басталып, неден бітуін білдіруге қатысты түркілік танымдық әмбебап ұғымдар. Соғыс не шайқас үдерісінде мандай майданға, арт/қүйрық тылға қатысты ұғылады. Зерттеуші Т. Сұлтанбеков [8] тоғызқұмалақтың әскери

Отаулар	Қазақша	Қырғызша	Қарақалпақша	
№ 9 отау	мандай	ооз	куу моюн	манлай
№ 8 отау	кекмойын	кек моюн	көк моюн	көк мойын
№ 7 отау	каньыкакпан	эки тиши	эки тиши	канлы қакпан
№ 6 отау	белбасар	ак колтук	ак далы	бел басар
№ 5 отау	бел	бел	бел	бел
№ 4 отау	атсыратар	далы	белдин алды	атсыратар
№ 3 отау	атөтпес	текилдек үй	жаман үй	ат өтпес
№ 2 отау	тектүрмас	ат өтпес	ат өтпес	тектурмас
№ 1 отау	арт	куйрук	куйрук	арт немесе танлық

майданға катастырылған анықтай түседі: «Отау аттары кездейсок қойылмаған. Мәселен, ойынның алды және арты болады. Алды тоғызынышы отау – Маңдай, Арты – бірінші отау». Дегенмен, «бел» ұғымы түркілік кеңістік үшке боліну дәстүрін тағы бір еске салады: «бел» – адам денесінің қақ ортасы ретінде аталғанымен, жалпылама кеңістік үшке боле қарастырудың үзілісі де, үдерістің де ортасын білдіреді. 5-отаудың қақ ортада түрьшіп, осылай аталуы да сондықтан. Ендеше, әр ойыннышыға тән тараптың өз алдына бүтін кеңіс ретінде қарастырылып, оның басы мен аяғы және ортасы нақтыланып тұр. Ал, қокмойын, қандықақпан /экитишити, белбасар/ акколтық, атсыратар, атөтпес/ жамануý, тектурмас аталған ұғымдардың төркіні ойын үдерісіне тән акуалды ұғымдастыратын әрбір отаудың сипатын танытады. Тоғызқұмалақты зерттеушілер бұл атаулардың әр отауға сәйкес міндеті мен мүмкіндігін ашатындығын пайымдауда.

Бұл ойында барлық отауы дымсыз қалған ойынның жағдайын «атсырау» ұғымымен атайды, бұл – атсыз қалу дегенді білдіреді. Егер де, ойын барысы атқа байланыссыз болғанда оны «құмалақсырау» немесе «тассырау» секілді ұғымдармен беруге болар еді. Демек, ойынның басты атрибуты да ат болғаны және бір кезде «тоғызат» аталғандағы да осыдан көрінеді; атсыз қалған өмірдің аттылы қоғамда тұл екендігін білдіріп, үдерістің бұл ахуалы ойынды аяқтауға апарып тірдейді. Тіпті, ойын кезіндегі жүрістің «кошу» етістігімен айтылатыны да [11,537] тоғызқұмалақтың «кошпелі» болмысын аша түседі. Ендеше, ойынның бар мазмұны аттылы, кошпелі қоғамды дәріптеуде болып тұр. Тоғызаттың аттылар өркениетіне тиесілі екенін С.Аманжоловтың [2]: «Бұл ойынның ерекше бір қасиеті терминдерінде: терминге қарап бұл нақтылы мал шарашылығының тудырған нәрсесі екен дейсің. Шынында да «құмалақ» деген

сөздің өзін алышыз. Құмалақ – қойға, түйеге, ешкіге, қоянға, т.т. ғана тиісті зат. Ал, «көк мойынды» алсақ, оның өзі бейнелі сөз. Нақтылы қөк мойын деп қазақ, көпкө дейін ұстаптай ыза қылған, артынан ұсталғанин кейін айлар бойы мойнына бұғалығы түспей, мойны қөгерген жылқыны айтады» деген сөзі ныктай түседі.

Бұған қарап, тоғызқұмалақ ойынның тақтасы белгілі бір дәрежеде аттылардың біртұтас әрекет алаңын елестетеді де, әрбір отау/үй ойын үдерісіне тән субъектілік қасиетін аңдатады. Демек, бұл атаулар мен ұғымдардың түбінде түркілік қозғалыс пен кеңістік, ондағы үдерістің барысын аңғартатын ілімнің ізі анық байқалады. Бұған назар аудара отырып, ежелгі түркілік мемлекеттердің тоғыз тайпалық одак арқылы толыққанды хандық мемлекеттің бекер күрылмағандығын андауға болады. Бұны «тоғыз оғыз» аталған түркілік мемлекеттік күрылымды, «тоқсоба» атауымен рулық қауымның «тоғыз үй» мағынасын білдіретін күрылымнан аңғару қын емес.

Ойынның келесі бір тұтас танымдық бірлігі «қазан» аталып жүрген қарсы тараптардың ұпайды жинау орындары бүрүн «орда» аталған [2] да, тоғызқұмалақтың өзі де соған сәйкес обаста «орда» [6,30] делінгендігі анық:

Баштаптыр Манас Ордону,

Ордо деген оғонду

Бизге мирас қылғаны

Тогуздан коргоол салғаны

Бу Манастан қалғаны («Манас» жырынан).

Тоғызқұмалақ ойынның болмысынан зерттеушілер көшпелі түркілердің түрлі өмірлік көрінісінен бастап [10,30] көшпелі қоғамның саяси сипатына дейінгі тірлік мазмұнын аңғаруда. Тоғызқұмалақтың ойын үдерісінен екі тараптың әскери шайқасын еле стете отырып, оның нағыз көшпелі қоғамға тән әскери тайталасын байқаймыз. Айтальық, казір «қазан» аталып жүрген шұнғылдың бір кезде «орда» аталғанын да ескерсек, онда ойын тақтасы қарама-қарсы орналасқан күрамында тоғыз тайпасы (ойында әр

тайпа «отау/үй» аталатын үямен шартты түрде таңбаланған) көс хандықтың бір бірімен тайталасу көрінісі көз алдымызга келеді. «Қазан», «орда» ұғымдарының екеуі де біріктіруші атрибуттық ұғымдар болып табылады: **тайқазан** – елдің рухани-идеологиялық бірлігін қамтушы нысан болса, **орда** – әуелден-ак көшпелі саяси құрылымды басты үйітушы мемлекеттік орган, астана.

«Қазан» ұғымын этнограф Г.С. Загряжский [3,531] Шу мен Сырдария казактарының тоғызқұмалакты сипаттаған жазбасында бұл ұяның «**кала**» атауын көлтіріп. Бұл атауда көшпендерлер үшін қаланың белгілі бір дәрежеде орталық, астана екендігін хабардар етеді. Шамасы, ойынға дөп-дөнгелек шұғыл болғандықтан «**қазан**», аттың орнына «**құмалак**» ұғымдарының кіргіу көшпелі өмір салтының әлсіреп, сыртқы көріністік ұғымдардың ығыстыруынан ойынның атауы да, бұрынғы біртұтас танымын жоғалтқан ұғымдардың орнын кейбір «**өгей**» атаулардың басуынан аңғару қын емес.

Енді, әрбір отаудың түркілік танымда тұтас әuletті білдіретін ұғым бар, оны «**үй**» атайды, қыргызша ойындағы отаудың «**үй**» [11,541] аталауда содан. Казак ұғымындағы бұл тұгастық ежелгі мифологиялық «Ертестік» ертегісінде Ерназардың 9 ұлы ретінде көрініс береді. Тоғызқұмалак ойыннан да әрбір отауда біртұтас үйді мензейді де, соғыс жағдайында ол әскери қолға тең: 9 ат және ойнаушы түркілік әскери құрылымның онбасы/жұзбасы/мыңбасы рөлінде іспетті.

Зерттеуші М. Шотаев [13]: «**Кенттаулық шебер Т. Құдияров тоғызқұмалакты әскери ойынга жатқызып, осы отаулардың орналасу ретіне өзгеши көзқарас ұстанады. Яғни ойындағы 9 отау – белгілі бір мемлекеттің, көшпендерлер үшін қаганаттың құрылымы**» деген мәселенде: Мәселен: №1 отау – жаяу әскер; №2 отау – шекара; №3 отау – корған; №4 отау – штаб; №5 отау – уәзір орны; №6 отау – ханзада орны; №7 отау – хан сарайы; №8 отау – қазына; №9 отау – халық.

Ғалым әрі белгілі тоғызқұмалакшы М. Шотаев [11,513] бұл пайымды одан әрі:

«**Тоғызқұмалакта жүріс бағытқа негізделгендейтін, шындаң келгенде бетте-бет согысу жең. Ойын ережелеріне конедегі ғұндардың сенімі әсер еткен. Сондай-ақ, тоғызқұмалак ойыннан ғұндардың таңдаң алған согысу стратегиясына сәйкес, тактикалары да көрініс тапқан. Мәселен, шабуылдау, қорғану, торуылдау, негізгі күштерді артқы күштерден боліп тастау, жауларын өз жеріне тереңдей енгізу арқылы тұтқылдан шабуыл жасау және т.б.**» – деп аша түседі. Алайда, тоғызқұмалак ойыннан тек қана түркілік дүниетаным мен болмыстың, құндылықтың көзі ретінде ғана қару жеткілікіз. Аталмыш ойынға ежелгі математикалық ойлау жүйесінің де араласы бары байқалады. «**Находки шариков III-IV веков до н.э. только подтверждают мысль, что игра древнее самой казахской нации. Уникален факт сохранения игры казахами в условиях кочевого образа жизни**» – деп тамсана жазып, зияткер ойындарды ресейлік зерттеуші А. Шиляев [12] тоғызқұмалак ойынның жер бетіндегі ондық санау жүйесінің пайда болу күәсі ретінде тартады. Белгілі алашордашыл қайраткер әрі ғалым Елдес Омарұлы өзінің «**Қазак тарихынан**» деген макаласында Шынғысханнан бастау алады дейтін «**ондық жүйелі**» эскердің жасақталуынан мын жыл бұрын, аталмыш жүйені ен алғашкы ғұн қағаны Мәденін (Модә) мемлекеттік жүйесі ондық, жұздік, мыңдық бөліністерден тұратын әскери құрылымнан түргандығын ежелгі Қытай мен Әбілғазы ханның шежіресіне сүйене отырып, ашып жазады. Әзірге адамзаттық өркениетті тыыннатқан Азия мен Европа құрлыктарындағы мемлекеттік-әскери сала бойынша ондық санақ жүйесінің басты тұтынуышы ретінде түркілер көзге көбірек түсетінін жокқа шығару қын.

Зерттеуші А. Шиляев өз макаласында «**Казахи широко применяли десятичную систему, а счетная доска могла применяться для вычисления налогов**» деуінде тиянакты кисын бар. Туркі қағаннаторында, әсіресе Шынғысхан мемлекеттінде әрбір табыстың оныншы бөлігі ғана мемлекетке салық есебінде альнганын

ескерсек, А. Шиляев мырзаның «*Слово тогыз переводится с казахского языка: девять. Многие авторы считают, что число 9, доминирующее в игре тогызкумалак, считается священным у монгольских и тюркских народностей и его можно считать традиционным у казахов. Однако, если смотреть на игровую доску как на древнейшую счетную доску, то цифра 9 - символ заполнения разряда, т.к. при попадании в лунку следующего камушка все камушки из нее вынимаются и в следующую лунку кладется один камень. Казахи широко применяли десятичную систему, а счетная доска могла применяться для вычисления налогов...*» деп, оны казак танымына телуі шынында да тоғызкумалак ойынның салық салуға қатысты тағы бір қыры мен оның мемлекеттік сайман түріндегі сипаттың әйгілейді.

А.Шиляевтың тоғызатқа қатысты пайымын терендете түссек, бұл ойынға емес [2], «*бұл ойын қазақтың барлық ойынның ішіндегі ең қыны, ойнаған*» деп [2].

ПАЙДАЛАНЫЛҒАН ӘДЕБИЕТТЕР:

1. Абдужапаров М.Н., Сағындықов И.Ә., «Зияткерлік тоғызкумалақ ойыннандағы отау аттарының мағынасы» // Түркі өркениеті және тәуелсіз Қазақстан. КР тәуелсіздігінің 20 жылдығына арналған халықаралық конференция материалдары. I (А-Й). Ш.Ибраевтың редакциясымен. – Астана, 2011.482 б.
2. Аманжолов С. Тоғызкумалақ. – А., 1936. Қазақша және орынша.
3. Загряжский Г.С., // Быт кочевого населения долин Чу и Сыр-Дары. «Туркменские ведомости», 1874 г., №29.- «Игры народов СССР», 1933 г., «Полиграф книга», г. Ленинград, 563 стр.
4. Зелинская И. Домино, нарды, кости. – Москва: «Вече», 2001.
5. Краснов А.Н. Очерь быта Семиреченских Киргиз. (Известия русского географического общества). Общ. 23 том, 1887.
6. Орозбаков Т., Чылымов А. Тогуз коргоол. – Бишкек, 1997.
7. Пантусов Н.Н., // «Киргизская игра «Тогузкумалақ». 4-выпуск XXII тома «Известия Общества археологии, истории и этнографии при Императорском Казанском университете» (том 22, вып. 4, Казань, 1906 г., стр.249-252).
8. Сұлтанбеков Т. Шахмат, дойбы, тоғызкумалақ. – Алматы: Қазақстан, 1967.
9. Таникеев М. От старта к Олимпиаде. – Алматы, 1983. – С.165.
10. Төтенаев Б. Қазақтың үлттық ойындары. – А.: Қайнар, 1994.
11. Туркологиялық зерттеулер. Жауапты редактор Сағидолда Г. – Астана, «Сарыарқа» баспа үйі, 2012. – 560 б.
- Шиляев А., Тогызкумалақ. Казахская игра - свидетельство зарождения десятичной системы счисления - http://thachess.narod2.ru/shahmatnie_legendi/nagrada_izobretatelyu/
12. Шотаев М., Жұмабаев Н., Акназаров С. Танғажайып тоғызкумалақ. – Түркістан: ХҚТУ баспасы, 2004.

адамның миң істеп, есепшілігі артып, тез тапқыштық жағы қүшаймек», яғни, бұл далалыктардың зерде мен логиканы дамыту құралы болғандығын әйгілейді. Тіпті, одан да маңыздысы сол – тоғызаттың ежелі гректердің абақ санауыш құралымен қатар колданылған математикалық сайманы болғанын аңдауға болады. Тоғызат тақтасының жартысы алсақ, үя-отаулардың 9 цифрлы санды билдіретінін және 9-дан асқан сан 10-ордаға/казанға түсетінін аңдасақ та жеткілікті.

Қорыта келгенде, тоғызкумалақ ойыны – түркі халықтарының мәдени-танымдық құндылығының бойына сінірген күрделі де аса терең мағыналы зияткерлік мұра. Сол себепті де, аталмыш ойын түркілік қоғамдық-саяси құрылымды, тарихи-дүниетанымдық құндылықты, тұрмыстық-әлеуметтік көзқарас пен қажеттілікті қамтитын әмбебап ақпараттар мен дәйектер көзі ретінде жанжақты зерделеуді қажет етеді.